



22. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Mittarfissat nutaat sanaartorneqartussat siunissami danskit piginneqataassuteqarnissaat taamatullu ingerlatsinikkut iluanaarutisiaqartarnissaat Naalakkersuisuniit aalajangiusimaneqarpat?**
- 2. Kalaallit Airport-ip Ingerlatsinikkut iluanaarutai danskit piginneqataanerisigut ukiut 40-ut ingerlaneranni missingersuutit naapertorlugit aningaasat qanoq amerlatigisut danskit naalagaaffiata pissarsiarissavaat?**
- 3. Takornarissat tikittartut ullumikkutut amerlassuseqaannassappata mittarfissat nutaat missingersuutit malillugit ukiut 40-ut ingerlaneranni qanoq aningaasarsiornikkut pissarsiaqaataassappat / imaluunniit annaasaqaataassappat?**
- 4. Mittarfissat atuutilerpata sinerissami mittarfiit pioreersut sorliit kiffartuussinermik isumaqatigiisummi millileriffigineqassappat?**
- 5. Sinerissami mittarfiit pioreersut qanoq eqqorneqarnissaat siorngerlugu ilisimanagu aningaasarsiornikkullu qanoq sunniuteqarnissaat ilisimanagu mittarfissat nutaat aalajangiiffigineqarsimappat?**
- 6. Air Greenland-ip tamakkiisumik inuiaqatigiinniit pigineqalernissaannik siunertaq suli Naalakkersuisut attappaat?**
- 7. Siunissami Air Greenlandip kisermaassisussaataitanani ingerlatseqatigiiffinniit allaniit unammillerneqarsinnaanissaa Naalakkersuisut suli attappaat?**
- 8. Air Greenland siunissami unammillerteqarnbera annertusissappat iluanaarutitigut pissarsiaasa millinissaat Naalakkersuisut uppersarsinnaavaat?**

(Inatsisartuni ilaasortaq Aqqaluaq B. Egede , Inuit Ataqatigiit)

Tungavilersuut:

Suliassaq annertoq aningaasarpasuarnik naleqartoq Naalakkersuisuniit peqqissaarulluinnarlugu ingerlatassaq pillugu apeqquuteqarpunga. Soorunami naatsorsuutigaa Naalakkersuisut suliassaq pillugu apeqquutit inuiaqatigiit aningaasaqarnerannut sunniuteqartussaaqisoq suliarilluarsimassagaat. Suliaq pitsaasumik sukumiisumillu

suliarineqarsimappat apeqqutigisakka qulaajareerneqarsimassasut naatsorsuutigaara.
Kissaatigaara apeqqutit ullut qulit ingerlaneranni akineqarsimassasut.

Apeqqutit akineqarsinnaangippata apeqqutininik malitseqartitseqqinnissaq pisariaqassammat
neriuutigaara apeqqutit erseqqissumik akineqarnissaat.